



Na osnovu člana 15. stav (1), tačka a) Zakona o odbrani BiH („Službeni glasnik BiH“, broj: 88/05) i člana 141. Zakona o službi u Oružanim snagama BiH („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18), a u skladu sa članovima 16., 17., 18., 23. i 24. Pravilnika o školovanju kadeta i vojnih stipendista, broj: 10-02-3-1550-41/18 od 26.04.2019. godine („Službeni glasnik BiH“, broj: 34/19) i Odlukom o kriterijima i načinu bodovanja i rangiranja kandidata za vojne stipendiste MO BiH za školovanje u srednjim školama i fakultetima u BiH, broj: 10-33-2-244-5/26 od 18.08.2026. godine, a u cilju odabira kandidata/kinja za vojne stipendiste, Ministarstvo odbrane BiH, raspisuje:

JAVNI KONKURS
za stipendiranje školovanja studenata završne godine fakulteta u BiH
i studenata medicine od 2. do 6. godine fakulteta u BiH
za školsku 2026/2027. godinu

I – PREDMET KONKURSA

Ministarstvo odbrane Bosne i Hercegovine raspisuje javni konkurs za stipendiranje školovanja studenata završne godine fakulteta u BiH i studenata medicine od 2. do 6. godine fakulteta u BiH za školsku 2026/2027. godinu i to:

- (1) jednog (1) studenta koji se školuje za zvanje diplomirani inženjer mašinstva,
- (2) jednog (1) studenta koji se školuje za zvanje diplomirani inženjer elektrotehnike,
- (3) jednog (1) studenta koji se školuje za zvanje diplomirani profesor francuskog jezika,
- (4) jednog (1) studenta koji se školuje za zvanje diplomirani profesor grčkog jezika,
- (5) jednog (1) studenta koji se školuje za zvanje diplomirani inženjer građevine i
- (6) pet (5) studenta koji se školuje za zvanje doktor medicine od 2. do 6. godine fakulteta.

II – USLOVI KONKURSA

1. **Opći uslovi** su propisani članom 9. Zakona o službi u Oružanim snagama BiH ("Službeni glasnik BiH broj: 88/05, 53/07, 59/09, 74/10, 42/12, 41/16 i 38/18") :
 - a) da je državljanin Bosne i Hercegovine,
 - b) da je zdravstveno sposoban za službu u Oružanim snagama te da je propisno vakcinisan i da nije nosilac zaraznih bolesti,
 - c) da nije osuđivan na безусловnu kaznu zatvora u trajanju dužem od šest mjeseci,
 - d) da nije prethodno otpušten iz državne službe, pravnog lica ili vojske zbog discipline ili povrede službene dužnosti u posljednje tri godine,
 - e) da se protiv njega ne vodi krivični postupak za krivično djelo za koje se goni po službenoj dužnosti,

- f) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
- g) da ima odgovarajuću stručnu spremu potrebnu za obavljanje određene dužnosti. (uslov koji će biti ispunjen po završetku fakulteta).

2. Posebni uslovi:

- a) da je stekao/la uslove za upis ili je upisan/a u godinu studija za jedno od zvanja iz predmeta konkursa,
- b) poznavanje engleskog jezika (test ALCPT – minimalno 50 bodova),
- c) poznavanje rada na računaru (Word, Excel, Power Point, Internet),

Napomene: Kandidati/kinje prijavljeni na Javni konkurs proći će test općeg znanja, psiho test, test iz poznavanja engleskog jezika i intervju.

Sigurnosnu provjeru za svakog uspješnog kandidata/kinje izvršiće nadležni sektor Ministarstva odbrane Bosne i Hercegovine (po završetku školovanja), a zdravstveni pregled kandidata/kinja koji uspješno prođu testiranje obaviti će nadležna ustanova u organizaciji Ministarstva odbrane Bosne i Hercegovine.

Eliminacioni uslovi za prijem u status vojnog stipendiste su uspješno položeni: psiho test, test iz engleskog jezika, kao i ljekarski pregled.

Rangiranje kandidata/kinja vršit će se na osnovu kriteriji i načina bodovanja i rangiranja kandidata za vojne stipendiste MO BiH za školovanje u srednjim školama i fakultetima u BiH, broj: 10-33-2-244-5/26 od 18.08.2026. godine, sa kojima će biti upoznati kandidati/kinje koji budu pozvani na testiranje i provjere.

III – ŠKOLOVANJE, PRAVA I OBAVEZE

1. Stipendiranje traje jednu školsku godinu za stipendiste završne godine fakulteta. Za stipendiste koji se školuju za zvanje doktora medicine, trajanje ovisi o godini studija na kojoj se nalaze u trenutku potpisivanja ugovora.
2. Odabrani kandidati/kinje imat će status vojnog stipendiste, čija će prava i obaveze biti regulisane u skladu sa članovima: 73., 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10, 42/12 i 41/16) i članom 29. Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17, 25/18, 32/20 i 65/20).
3. Odabrani stipendisti imaju obavezu da po završetku školovanja na fakultetu, a prije upućivanja na osnovnu oficirsku obuku dostignu standarde fizičke spremnosti propisane Pravilnikom o prijemu u OS BiH, što se utvrđuje posebnim planom provjera. Kandidati koji ne dostignu minimalne propisane standarde fizičke spremnosti isključuju se iz procesa upućivanja na osnovnu oficirsku obuku, te se pokreće postupak nadoknade štete.
4. Vojni stipendisti će biti primljeni u profesionalnu službu, nakon završavanja osnovne vojničke osnovne oficirske obuke, u početnom činu oficira Oružanih snaga Bosne i Hercegovine - potporučnik.
5. Međusobne obaveze kandidata/kinja izabranog/ne za stipendiranje školovanja na fakultetima u BiH i Ministarstva odbrane BiH regulišu se Ugovorom o stipendiranju školovanja.

6. Za vrijeme školovanja vojnim stipendistima su osigurani troškovi školarine u skladu sa članom 29. Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17, 25/18, 32/20 i 65/20).

IV POTREBNI DOKUMENTI

- a) Prijava i lični (biografski) podaci (isključivo po obrascima ponuđenim na www.mod.gov.ba), potpisani od strane kandidata lično,
- b) Prepis ocjena u toku dosadašnjeg školovanja na fakultetu (izdaje studentska služba fakulteta),
- c) Dokaz o sticanju uslova za upis ili dokaz da je upisan/a na godinu studija za jedno od zvanja iz predmeta konkursa (izdaje studentska služba fakulteta),
- d) Original ili ovjerena kopija Uvjerenja o državljanstvu, ne starije od šest mjeseci od dana izdavanja, (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- e) Original ili ovjerena kopija Izvoda iz matične knjige rođenih na novom obrascu, ali ne stariji od 6 (šest) mjeseci,
- f) Original ili ovjerena kopija Uvjerenja da se ne vodi krivični postupak, niti da je potvrđena optužnica, ne starije od tri mjeseca od dana izdavanja od strane nadležnog suda (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- g) Original ili ovjerena kopija dokaza o prebivalištu (CIPS), izdat od strane nadležnog organa, ne stariji od tri mjeseca od dana izdavanja (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- h) Dokaz o poznavanju rada na računaru (za kandidate/kinje koji tokom školovanja nisu imali predmet informatika),
- i) Saglasnost za obradu biografskih podataka/informacija za potrebe procesa konkurisanja za vojne stipendiste, potpisani od strane kandidata lično (isključivo po obrascu ponuđenom na www.mod.gov.ba).

Napomena: Kandidatima koji ne budu izabrani u procesu izbora omogućava se preuzimanje ličnih dokumenata koji su dostavljeni u procesu prijema u roku od 30 dana od donošenje konačne odluke ministra odbrane BiH o izboru kandidata.

V ODABIR KANDIDATA

Odabir kandidata izvršit će Komisija koju će formirati ministar odbrane Bosne i Hercegovine.

VI PRIJAVA NA JAVNI KONKURS

Sve tražene dokumente treba dostaviti preporučeno putem poštanske službe na adresu:

Ministarstvo odbrane Bosne i Hercegovine
Ul. Hamdije Kreševljakovića 98
71 000 Sarajevo

Sa naznakom „Javni konkurs za stipendiranje školovanja studenata završne godine fakulteta u BiH i studenata medicine od 2. do 6. godine fakulteta u BiH za školsku 2026/2027. godinu”.

Konkurs ostaje otvoren 15 (petnaest) dana od dana objavljivanja. Ispunjavanje uslova utvrđenih ovim Javnim konkursom računa se danom predaje prijave.

Neblagovremene i prijave kandidata koje nisu upućene preporučenom poštom neće se uzeti u razmatranje. Ukoliko u prijavi i dokumentaciji postoje formalni nedostaci (nepotpuna i neuredna prijava i dokumentacija) lice se poziva da u roku od pet dana ispravi navedene formalne nedostatke i dostavi potrebnu dokumentaciju, u skladu sa Zakonom o upravnom postupku BiH.

Broj: 10-33-2-244-13/26

Sarajevo, 26.08.2026 godine

MINISTAR

Zukan Helez